

Broj: 06-11-246/2024-R-9-9
Sarajevo, 08.07.2024. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, br.: 39/14 i 59/22), a na prijedlog stalne Komisije za provođenje postupaka javne nabavke roba, usluga i radova, imenovana Rješenjem, broj: 08-30-198/2024 od 30.01.2024. godine, sekretar Vlade Federacije Bosne i Hercegovine, d o n o s i

O D L U K U
O IZBORU NAJPOVOLJNIJEG PONUĐAČA ZA JAVNU NABAVKU ROBA –
NABAVKA KANCELARIJSKIH MAŠINA ZA POTREBE GENERALNOG SEKRETARIJATA
VLADE FEDERACIJE BOSNE I HERCEGOVINE

I.

U cilju odabira najpovoljnijeg ponuđača, u provedenom postupku javne nabavke: Konkurentski zahtjev za dostavu ponuda za javnu nabavku roba – nabavka kancelarijskih mašina za potrebe Generalnog sekretarijata Vlade Federacije Bosne i Hercegovine, evidencijski broj nabavke: 06-11-246/2024-R-9-1, broj Obavještenja o nabavci sa portala javnih nabavki: 854-7-1-87-3-24/24 od 12.06.2024. godine, Sažetak obavještenja o nabavci objavljen u „Službenom glasniku BiH-Oglasnik javne nabavke“, broj: 41/24, kao najpovoljnija prihvatljiva ponuda, nakon provedene e-aukcije, ocijenjena je ponuda ponuđača „**C-SERVIS**“ d.o.o. Sarajevo, sa ukupnom cijenom ponude u iznosu **14.930,00 KM** bez PDV-a.

II.

Ponuda Ponuđača iz tačke I. ove odluke ocijenjena je prihvatljivom, u skladu sa članom 2. stav (1) tačka I) podtačka 1) Zakona o javnim nabavkama.

III.

Za realizaciju ove odluke zadužuju se Sektor za pravne i opće poslove i Sektor za materijalno-finansijske poslove.

IV.

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine - Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka javne nabavke, broj: 06-11-246/2024-R-9 od 04.06.2024. godine. Javna nabavka provedena je putem Konkurentskog zahtjeva za dostavu ponuda. Ukupna procijenjena vrijednost nabavke iznosila je 15.000,00 KM bez PDV-a. Obavijest o nabavci poslana je na objavu 12.06.2024. godine, te je istog dana objavljena na portalu Javnih nabavki pod brojem: 854-7-1-87-3-24/24, a Sažetak obavještenja o nabavci objavljen je u „Službenom glasniku BiH-Oglasnik javne nabavke“, broj: 41/24.

Tendersku dokumentaciju preuzelo je 18 (osamnaest) privrednih subjekata, a 4 (četiri) ponuđača su dostavila ponude u predmetnom postupku nabavke. Sve ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: „EMADO“ d.o.o. Sarajevo, „C-SERVIS“ d.o.o. Sarajevo, „ELUR“ d.o.o. Kiseljak i „UNIVERZALNO“ d.o.o. Sarajevo.

Stalna Komisija za provođenje postupaka javne nabavke roba, usluga i radova, imenovana Rješenjem, broj: 08-30-198/2024 od 30.01.2024. godine, izvršila je pregled i ocjenu ponuda, te konstatovala da su, od ukupno 4 (četiri) dostavljene ponude, prihvatljive 2 (dvije) i to ponude ponuđača: „EMADO“ d.o.o. Sarajevo i „C-SERVIS“ d.o.o. Sarajevo, dok su 2 (dvije) neprihvatljive i to ponude ponuđača: „ELUR“ d.o.o. Kiseljak i „UNIVERZALNO“ d.o.o. Sarajevo.

Ponuda ponuđača „ELUR“ d.o.o. Kiseljak ocijenjena je neprihvatljivom iz sljedećeg razloga:

- u Tenderskoj dokumentaciji u Aneksu 3 - OBRAZAC ZA CIJENU PONUDE – ROBE (KANCELARIJSKE MAŠINE), u dijelu NAPOMENE uz Aneks 3, tačka 6. propisano je: *„Ponuđač je obavezan dostaviti i detaljnu tehničku dokumentaciju za ponuđenu robu iz koje se vidi proizvođač, model i detaljna tehnička specifikacija ponuđenih roba.“*

Pregledom Ponude, konstatovano je da Ponuđač nije dostavio detaljnu tehničku dokumentaciju za ponuđene robe kako je traženo Tenderskom dokumentacijom.

Ponuda ponuđača „UNIVERZALNO“ d.o.o. Sarajevo ocijenjena je neprihvatljivom iz sljedećih razloga: - u Aneksu 3 - OBRAZAC ZA CIJENU PONUDE – ROBE (KANCELARIJSKE MAŠINE)

- u tabelarnom prikazu pod rednim brojem 1. SKENER, u rubrici “Tehnička specifikacija”, alineja 3, traženo je: “- Integrisan Flatbed i ADF”.

Pregledom dostavljene detaljne tehničke dokumentacije ponuđenog uređaja Skener Epson Workforce DS-870 i zvanične web stranice proizvođača Epson utvrđeno je da ponuđeni skener nema integrisan flatbed jer postoji samo dodatni „Optional Flatbed Dock“ (Flatbed Scanner Conversion Kit), što nije u skladu sa tehničkom specifikacijom.

- u tabelarnom prikazu pod rednim brojem 1. SKENER, u rubrici “Tehnička specifikacija”, alineja 7, traženo je: “- Scan file formati: DOC, DOCX, XLS, XLSX, JPEG, PDF, searchable PDF, PNG, RTF, CSV, XML”.

Pregledom dostavljene detaljne tehničke dokumentacije ponuđenog uređaja Skener Epson Workforce DS-870 i zvanične web stranice proizvođača Epson utvrđeno je da ponuđeni skener ne podržava formate: DOC, DOCX, XSL, XSLX, RTF, CSV i XML što nije u skladu sa tehničkom specifikacijom.

- u tabelarnom prikazu pod rednim brojem 1. SKENER, u rubrici “Tehnička specifikacija”, alineja 8, traženo je: “- Memorija: minimalno 1 GB”.

Pregledom dostavljene detaljne tehničke dokumentacije ponuđenog uređaja Skener Epson Workforce DS-870 i zvanične web stranice proizvođača Epson Ugovorni organ nije mogao pronaći podatak o kapacitetu memorije ponuđenog skenera.

- U Tenderskoj dokumentaciji, Poglavlje III UVJETI ZA KVALIFIKACIJU, tačka 1.2. podtačka c., između ostalog, propisano je: *„U svrhu dokazivanja ispunjavanja uvjeta iz tačke 1.1. podtačka f) u pogledu ekonomske i finansijske sposobnosti ponuđač je dužan dostaviti: „-Pozitivan Bilans uspjeha za 2023. godinu.“*

Pregledom Ponude, konstatovano je da je ponuđač „UNIVERZALNO“ d.o.o. Sarajevo dostavio *Izveštaj o ukupnom rezultatu za period (Bilans uspjeha) za period od 01.01.2022. do 31.12.2022. godine* što nije u skladu sa Tenderskom dokumentacijom.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke svaki od ponuđača koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem ugovornog organa – Generalnog sekretarijata Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke.



SEKRETAR VLADE

Edita Kalajdžić
dr. sci. Edita Kalajdžić

Dostaviti:

1. Svim ponuđačima u postupku
2. Komisiji za javne nabavke
3. Sektoru za pravne i opće poslove
4. Sektoru za materijalno-finansijske poslove